

## На Господи, воззвах, глас 4:

**1. Стих:** Изведи из темницы душу мою, // исповедатися имени Твоему.

**Животворящему Твоему Кресту,** / непрестанно кланяющеся, Христе Боже, / тридневное Воскресение Твое славим: / тем бо обновил еси истлевшее человеческое естество, Всесильне, / и иже на Небеса восход обновил еси нам, // яко Един Благ и Человеколюбец.

**2. Стих:** Мене ждут праведницы, // дондеже воздаси мне.

**Древа преслушания запрещение разрешил еси,** Спасе, / на древе крестнем волю пригвоздился, / и во ад сошед, Сильне, / смертныя узы, яко Бог, растерзал еси. / Темже кланяемся еже из мертвых Твоему Воскресению, / радостию вопиюще: // Всесильне Господи, слава Тебе.

**3. Стих:** Из глубины воззвах к Тебе, Господи, // Господи, услыши глас мой.

**Врата адова сокрушил еси,** Господи, / и Твоею смертию смертное царство разрушил еси: / род же человеческий от истления свободил еси, / живот и нетление миру даровав, / и велию милость.

**4. Стих:** Да будут уши Твои // внимлюще гласу моления моего.

**Приидите, воспоем людие,** / Спасово тридневное востание, / иже избавихомся адовых нерешимых уз; / и нетление и жизнь вси восприяхом зовуще: / Распныйся, и Погребыйся, и Воскресый, / спаси ны Воскресением Твоим, // Едине Человеколюбче.

**5. Стих:** Аще беззакония назириши, Господи, Господи, кто постоит? // Яко у Тебе очищение есть.

**6. Стих:** Имене ради Твоего потерпех Тя, Господи, потерпе душа моя в слово Твое, // упова душа моя на Господа.

**7. Стих:** От стражи утренния до ночи, от стражи утренния, // да уповает Израиль на Господа.

**8. Стих:** Яко у Господа милость, и многое у Него избавление, // и Той избавит Израиля от всех беззаконий его.

**9. Стих:** Хвалите Господа вси языцы, // похвалите Его вси людие.

**10. Стих:** Яко утвердися милость Его на нас, // и истина Господня пребывает во век.

**Догматик:**

**И**же Тебе ради богоотец пророк Давид/ песненно о Тебѣ провозгласи,/ величия Тебе Сотворшему:/ предста Царица одесную Тебѣ./ Тя бо Матерь, Ходатаицу Животá показá,/ без отцá из Тебе вочеловечитися Благоволивый Бóг,/ да Свой паки обновит образ, истлѣвший страстьми,/ и заблуждшее горохищное обрѣт овчá,/ на рáмо восприим, ко Отцú принесѣт,/ и Своему хотѣнию,/ с Небесными совокупит Сíлами,/ и спасѣт, Богородице, мíр, // Христос имей велию и богатую мíлость.

**Стихиры на стиховне, глас 4:**

**Г**осподи, восшѣд на Крѣст,/ прадедную нашу клятву потребил еси,/ и сошѣд во ад, вечныя узники свободил еси,/ нетление даруя человеческому роду,/ сего ради поюще славим // Животворящее и Спасительное Твое Востáние.

**Стих:** Господь воцарися,/ в лепоту облечеса.

**П**овешен на древе, Едине Сильне,/ всю тварь поколебал еси:/ положен же во гробе,/ живущия во гробех воскресил еси,/ нетление и жизнь даруя человеческому роду./ Темже поюще, славим // тридневное Твое Востание.

**Стих:** Ибо утверди вселенную,/ яже не подвижется.

**Л**юдие беззаконнии, Христе,/ Тебе, предавше Пилату, распяти осудиша,/ не благодарнии о Благодетеле явившесе./ Но волею претерпел еси погребение:/ самовластно воскресл еси тридневно, яко Бог, // даруя нам безконечный живот, и велию милость.

**Стих:** Дому Твоему подобает святыня,/ Господи, в долготу дней.

**С**о слезами жены дошедша гроба, Тебе искаху,/ не обретша же, рыдающа с плачем вопиюща глаголаху:/ увы нам, Спасе наш Царю всех,/ како украден был еси;/ кое же место держит Живоносное Тело Твое?/ Ангел же к ним отвещаваше, не плачите, глаголет,/ но шедша проповедите, яко воскресе Господь, // подая нам радость, яко Един Благоутробен.

**Богородичен воскресный, глас 4:**

**П**ризри на моления Твоих раб, Всенепорóчная,/ утоляющи люта на ны востáния,/ всякия скорби нас изменяющи./ Тя бо Едину, твердое и известное Утверждение íмамы,/ и Твое предстательство стяжáхом,/ да не постыдímся, Владычице, Тя призывáющии,/ потщися на умоление Тебе верно вопиющих:/ радуйся, Владычице, всех Помоще, Радосте и Покрóве, // и Спасение дúш наших.